

偷甲記

上



偷甲記

古本戲曲叢刊五集

據北京大學藏清
康熙刊本景印原
書版匡高一九六
毫米寬一二二毫
米

偷甲記序

人讀水滸傳無不曰劇盜中能



假仁義仗智數凡所作爲每每
出人之意表故其事雖不經縱
觀全部或欽其忠義或壯其英

月
俠或喜其鴻毛一死然諾丘山
或恠其詭詐奸欺麤豪莽惡吾
悉以爲不然水滸傳之妙妙在
鼠竊狗偷娼優乞丐皆不棄絕
所以時遷盜甲傑士傾心忠義

歸誠粉脂汲引如此至微至賤
之中伏此揭地掀天之績凡於
世人之有一技一能者蓋可忽
而置之哉假如向日梁山不設
時遷一席當呼延灼逼迫之際

欲以口舌勢力誘徐寧徐寧即
至愚至頑又焉肯捨功名捐妻
子破身家以從羈席籠鷹於一
窟之水窟惟以失甲而親到梁
山到山而親逢義俠方始言之

可入類之可親覺一死之輕知
然諾之重反奸欺詭詐爲身外
之權宜偕莽烈麤豪爲英雄之
憤激一違夙念萬仞不移熱血
立傾甘心悖逆豈非盡從偷甲

中出種子也嗟乎呼延忠孝竟
入網羅氣節武師亦迷本性要
知胷無把握者皆緣平昔涵養
未深薰陶鮮術之故耳由此觀
之禮樂詩書之氣操持堅忍之

功烏容一日已哉當傀儡棚中
寓棒喝微旨俾場內觀者作場
外想則余此劇庶乎無罪
龜堂和尚書於棒龕



偷甲記上卷

一名雁翎甲

目錄

開場

試甲

勤王

類合

巡山

巧探

戰捷


尋親

露布

定計

廟算

俠憤



伙伏

差叙

偷甲

假信

義慰

追甲

偷甲記上卷

一名雁翎甲

第壹齣

開場

水調歌頭。白雪伊誰賦。還堪下里羞。藥籠滋味。漫潮也同收。借此聊新耳目。儼似幻雲流水。過眼卽無求。莫作悲歌怨。尊前正解愁。祥鳳集。瑞麟遊。歸至德。河清海晏。大有萬方秋。鼓腹含哺。擊壤隨處。丹丘收拾。麗豪氣。華枝當酒籌。

沁園春。末義俠徐寧。丰神技勇。卒伍流旃。有雁翎寶

甲。祖宗世守如金似玉。不與人知。正值梁山兵敗。合
寨攢眉束手。獨有湯隆計可施。命時遷潛藏黑夜。盜
引來追。難辭瀝酒盈卮。醉後乾坤醒後遲。欲生欲
死且悲且怨。感恩積恨。兩意孳孳。敵破難安。呼延奔
遁。總是英雄淚落時。蒙天眷。招安詔下。風動萬年枝。
徐武師金鏐絕技。呼延灼鐵馬雄施。

宋公明梁山聚義

雁翎甲舊譜新辭

第貳齣

試甲

東鍾

南

滿江紅

生監甲上

大戟長弓

偏不是區區一勇奈

時逢燕雀春秋任天提弄

一片襟懷空蹀躞滿腔豪

氣徒掀湧喜青青雙鬢未凋潘休驚恐

甲冑鬚眉最可憐絲絲片片影娟娟且隨閨閣嬌

兒女難道天生老計然自家見做金鎗班教師徐

寧是也俠氣千尋雄心萬丈祖貫東京人氏出身

武弁名流家傳秘術每多策七用五之權奇學本

天成不事播雨擁斤之章句茲當大宋宣和紀元

之日。正值皇帝別號道君之時。蔡京王黼時。謗周
召班聯。童貫高俅。已見樞衡。並駕不才。罕罕末弁。
敢希鴻鵠之高翔。無奈局局寸心。每獨感傷之難
念。這也不在話下。只此雁翎寶甲一副。原屬先世
所遺。我父退棄之秋。曾有榻前之囑命。我好建功
名。力勤王事。補完先人未了之素志。早成及時奮
發之雄圖。豈料父母見背十年。此甲依然塵積。今
日乃是亡親生忌。已曾薄設奠儀。在於家廟之中。